

**ՀՀ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ
ՏԵԽՆՈԼՈԳԻԱԿԱՆ ԷԿՈՀԱՄԱԿԱՐԳԻ
ԶԱՐԳԱՑՄԱՆ ՎԱՐՉՈՒԹՅԱՆ ՊԵՏ
ՀԱՅԿ ԵՆԳԻՐԱՐՅԱՆԻՆ**

ՀԱՇՎԵՏՎՈՒԹՅՈՒՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԲԱՐՁՐ ՏԵԽՆՈԼՈԳԻԱՆԵՐԻ
ՎԱՐՉՈՒԹՅԱՆ ՓՈՐՁԱԳԵՏԻ ԿՈՂՄԻՑ 2025 ԹՎԱԿԱՆԻ ՀՈԿՏԵՄԲԵՐ-ԴԵԿՏԵՄԲԵՐ
ԱՄԻՍՆԵՐԻՆ ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ**

Հաշվետու ժամանակահատվածում կատարել են հետևյալ աշխատանքները.

- 1. Հայաստանի բարձր տեխնոլոգիաների ոլորտի զարգացման ռազմավարական ծրագրի մշակման հետ կապված աշխատանքներ, մասնավորապես.**
 - Բարձր տեխնոլոգիաների ոլորտի զարգացման ռազմավարական ծրագրի մշակման շրջանակում համակարգել են աշխատանքները, աջակցություն են տրամադրել ծրագիրը մշակող «Ամերիա» ՓԲԸ-ի թիմին, նախաձեռնել և կազմակերպել են հանդիպումներ թիմի և շահագրգիռ կողմերի միջև՝ ապահովելով աշխատանքների իրականացման համար անհրաժեշտ տեղեկատվության հասանելիությունը և աշխատանքներին առնչվող որոշումների արագ կայացումը:
 - Հաշվետու ժամանակահատվածում «Ամերիա» ՓԲԸ-ի կողմից ներկայացվել է ռազմավարական ծրագրի մշակման վերլուծական զեկույցի վերջնական տարբերակը, «Բարձր տեխնոլոգիաների ոլորտի զարգացման ռազմավարական ծրագրի ռազմավարական նպատակների սահմանում» զեկույցը և «Ռազմավարական ծրագրի արդյունքային շրջանակ և գործողությունների ծրագիր» հաշվետվությունը: Ապահովել են նախագծերի շրջանառումը համապատասխան ստորաբաժանումների միջև, ներկայացրել են դիտողություններ և առաջարկություններ նախագծի վերաբերյալ, ամփոփել ու կատարող թիմին են փոխանցել ստացված կարծիքները և կազմակերպել են հանդիպներում կատարող թիմի հետ՝ ներկայացված դիտողությունների ու առաջարկությունների քննարկման նպատակով: Միջազգային հեղինակավոր փորձագետների կողմից զեկույցների peer-review անցնելու նպատակով կապերի հաստատման աշխատանքների շրջանակներում համագործակցել են միջազգային ու տեղական գործընկերների հետ:
- 2. «Բարձր տեխնոլոգիաների ոլորտի պետական աջակցության մասին» օրենքի կիրարկումն ապահովող աշխատանքներ, մասնավորապես.**

- Հայաստանի տեղեկատվական համակարգերի գործակալության թիմի հետ համագործակցությամբ՝ համակարգել են աշխատանքները՝ ապահովելու բարձր տեխնոլոգիաների ոլորտի պետական աջակցության 2025 թվականի 3-րդ եռամսյակի հայտերի առցանց ներկայացման և հաշվարկների ինքնաշխատ եղանակով կատարման գործընթացները: Մասնավորապես՝ մասնակցել են Ծառայությունների ազգային հարթակում և աջակցության հայտերի ներկայացման համապատասխան էջերում հրապարակվող տեղեկատվության բովանդակության մշակման և գործընթացի օպտիմալացման աշխատանքներին, հանդիսացել են նախարարության կոնտակտային անձը՝ Գործակալության ծրագրավորման թիմին և ՊԵԿ-ի աշխատակիցներին տրամադրելով անհրաժեշտ տեղեկատվություն, առաջարկություններ, դիտողություններ և պարզաբանումներ:
- Հոկտեմբերի 21-ից նոյեմբերի 20-ն ընկած ժամանակահատվածում ապահովել են 2025թ. 3-րդ եռամսյակի պետական աջակցության հայտերի ներկայացման անխափան ընթացքի, լիազորագրերի էլեկտրոնային համակարգ մուտքագրման աշխատանքները, ինչպես նաև համակարգել են հայտերի ռեգիստրի ձևավորման և ամենօրյա թարմացման, հայտերի վարման, ստացված հայտերի ինքնաշխատ հաշվարկների ստուգման, խնդիրների հայտնաբերման և լուծման աշխատանքները, կատարել են վիճակագրական վերլուծություններ, մշակել են գործընթացի վերաբերյալ այլ տեղեկատվական նյութեր:
- Ապահովել են համագործակցությունը Հայաստանի տեղեկատվական համակարգերի գործակալության և ՊԵԿ-ի պատասխանատուների հետ՝ նպատակ ունենալով ապահովել պետական աջակցության հայտերի ընդունման, աջակցությունների չափի ինքնաշխատ հաշվարկի, ՊԵԿ-ից ստացված տվյալների հետ թեսթային ստուգման և պայմանագրերի կնքման աշխատանքների լիարժեք իրականացումը: Արդյունքում՝ 2025թ. 3-րդ եռամսյակի պետական հայտերի հաշվարկը կատարվել է հարթակում՝ ինքնաշխատ կարգով:
- Ներկայացրել են առաջարկություններ «Բարձր տեխնոլոգիաների ոլորտի պետական աջակցության մասին» օրենքի և դրանից բխող այլ ենթաօրենսդրական ակտերի փոփոխությունների և լրացումների վերաբերյալ՝ ուղղված կարգավորող նորմերի հստակության ապահովմանը, գործընթացների լավարկմանն ու համապատասխանեցմանը թվային օպտիմալ պրոցեսներին, իրավական բացերի վերացմանը և շահագրգիռ կողմերից ստացված առաջարկությունների հասցեագրմանը:

3. Գիտական հետազոտությունների և փորձարարական մշակումների (R&D) աշխատանքները որպես այդպիսին որակելու աշխատանքների գործընթացին աջակցություն.

- Կատարել են շահագրգիռ մարմինների, մասնավորապես, ՀՀ ԿԳՄՄՆ բարձրագույն կրթության և գիտության կոմիտեի հետ համագործակցության ապահովման, R&D աշխատանքները որպես այդպիսին որակելու 2025թ. 2-3-րդ եռամսյակների հայտերի

վերաբերյալ շահառուներին համապատասխան տեղեկատվության տրամադրման և այլ աջակցող աշխատանքներ:

4. Համագործակցություն ոլորտի շահառու ասոցիացիաների և կազմակերպությունների հետ.

- Հաշվետու ժամանակահատվածում մասնակցել եմ ոլորտի շահառու ասոցիացիաների և կազմակերպությունների հետ մի շարք առերես և առցանց հանդիպումների և քննարկումների:

5. Այլ աշխատանքներ

- Հավաքագրել, մշակել և նախարարության աշխատակիցներին տրամադրել եմ նրանց կողմից պահանջված տեղեկատվությունը:
- Պատասխանել եմ այլ պետական մարմիններից ստացված պաշտոնական գրություններին:
- Պատասխանել եմ ոլորտի կազմակերպությունների և քաղաքացիների կողմից ստացված գրավոր հարցումներին և դիմումներին:
- Պատասխանել եմ շահառու կազմակերպություններից և քաղաքացիներից ստացված հեռախոսազանգերին՝ տրամադրելով անհրաժեշտ խորհրդատվություն:
- Կատարել եմ մի շարք այլ ընթացիկ աշխատանքներ:


ՏԵԽՆՈԼՈԳԻԱԿԱՆ ԷԿՈՀԱՄԱԿԱՐԳԻ
ԶԱՐԳԱՑՄԱՆ ՎԱՐՉՈՒԹՅԱՆ ՓՈՐՁԱԳԵՏ


ստորագրություն

ԼՈՒՍԻՆԵ ԹՈՎՄԱՍՅԱՆ

«30» դեկտեմբեր 2025թ.

Հաշվետու ժամանակաշրջանում կատարած աշխատանքները
գնահատում եմ « բերանաշ »


անմիջական ղեկավարի ստորագրություն

ՀԱՅԿ ԵՆԳԻԲԱՐՅԱՆ

«30» դեկտեմբեր 2025թ.